



Data: 07.03.2019

Ref.: 383/19D

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Ligjin për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KSHC), në mbledhjen e 62-të, të mbajtur më 12 shkurt 2019, mori:

### V E N D I M

1. Tërhiqet akreditimi i programeve të studimit të Universitetit "Haxhi Zeka" në Pejë si më poshtë:
  - Edukim i Përgjithshëm në Muzikë, Bachelor Professional, 240 ECTS.
2. Ky vendim hyn në fuqi me nënshkrimin e tij.

### Arsyetimi

Këshilli Shtetëror i Cilësisë (tash e tutje KShC) me qëllim të përmbushjes së obligimeve ligjore, dhe me qëllim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroi mos përmbushje të kritereve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoi me tërheqje të akreditimit.

Pas deklarimit të stafit akademik të IAL-ve, AKA ka filluar me verifikimin e dokumentacionit të tyre me qëllim të konfirmimit të plotësisë apo jo të kritereve ligjore për secilin program të studimit. Në mbledhjen e mbajtur më 12 shkurt 2019, KShC analizoi në detaje të gjithë dokumentacionin e stafit akademik të vendosur si bartës të programeve nga Universiteti "Haxhi Zeka". Pasi analizoi të dhënat rreth numrit të stafit dhe fushat e studimit për secilin program të studimit, KShC vendosi si në dispozitiv të këtij vendimi.

Sipas pika një (1) të nenit 21, të UA për Akreditim, "AKA e rezervon të drejtën të monitorojë dhe të kontrollojë cilësinë e institucioneve të akredituara në çfarëdo kohe me paralajmërim". Sipas pikës dy (2), "AKA mund të rishqyrtoj akreditimin e dhënë në çfardo kohe dhe/apo më pas të tërheq vendimin e sajë për akreditim nëse kushtet e dhëna me rastin e akreditimit janë shkelur".

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të

*përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ndërsa në nenin 30 të Udhëzimit Administrativ për Akreditim, thuhet: *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”,* pra IAL janë të obliguara që të deklarojnë stafin akademik me se largu deri me 31 tetor 2018. Sipas pikën 3 të nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”.*

**Për programin e studimit:** *Edukim i Përgjithshëm në Muzikë, Bachelor Professional, 240 ECTS,* si bartës të këtij programi Universiteti “Haxhi Zeka”, ka paraparë këta persona: Astrit Pallaska, Shkëlqesa Smajli, Besfort Ahmeti, dhe Alma Shehu Lokaj.

Këto programe i përkasin studimeve profesionale dhe trajtohen sipas nenit 27 të UA për Akreditim. Sipas nënpikës 5.1 të pikës 5 të nenit 27 të UA për Akreditim: *“Stafi për mësimdhënie duhet të jetë i kualifikuar në aspektin akademik dhe profesional, më përvojë relevante se paku 5 vjeçare në fushën përkatëse, i përzgjedhur në procedurë transparente”.* Ndërsa sipas nënpikës 5.2 të nenit 27 të UA për Akreditim, *“Kërkesat minimale akademike për stafin mësimdhënës që i vlerëson studentët duhet të jetë përfundimi i studimeve master”.*

Pas verifikimit të dokumentacionit të kualifikimit u konstatua që tre nga katër bartësit nuk janë të fushës së programit Edukim i Përgjithshëm në Muzikë. Shkëlqesa Smajli është MA në Banka, Financa dhe Kontabilitet, Besfort Ahmeti është MA në Administrim Biznesi, dhe Alma Shehu Lokaj është MA në Menaxhment dhe Informatikë.

Bazuar mbi sqarimet e dhëna me sipër dhe pas verifikimit të dokumentacionit të dorëzuar nga Universiteti “Haxhi Zeka”, u konstatua që asnjëri nga tre bartësit e cekur me lartë nuk i përmbush kriteret ligjore për të qenë bartës i këtij programi të studimit, pasi që asnjëri nuk janë nga fusha e programit të studimit.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit akademik nga fusha e programit të studimit për këtë program të studimit sipas pikës 5.3.4 të nenit 26, dhe bazuar në pikë dy (2) të nenit 21 të Udhëzimit Administrativ për Akreditim, ta tërheq akreditimin për programin e studimit *Edukim i Përgjithshëm në Muzikë, Bachelor Professional, 240 ECTS.*

**Këshillë juridike:** Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditësh nga dita kur pala është njoftuar për aktin administrativ sipas nenit 127 të LPPA.

Vendimi u dërgohet:

- Universitetit "Haxhi Zeka" në Pejë;
- MASHT-it;
- Arkivit të AKA-së.



---

Prof. Dr. Gazmend Luboteni  
Kryetar i Këshillit Shtetëror të Cilësisë

